

Tetum

TAIZÉ  
 2018

**PROPOSTA HAT BA TINAN 2018**

**KSOLOK NEBE LA IHA ROHAN**

Lia menon sira husi líderes igreja nian no organizaun internasional sira nebe manda ba enkontru iha  
Basel: Haree [www.taize.fr](http://www.taize.fr)

Tinan ida liu ba joven fetu ida nebe moras makaas dehan mai hau, "hau hadomi moris nee". Hau sente tebes ba ksolok laran/ksolok fuan nian nebe nakonu iha nia, maske hetan limitasaun barak afeita husi moras nebe nia hetan. Hau nia fuan sente tebes laos deit ba ninia liafuan, maibe ba ninia expressaun furak nebe hatudu iha nia oin.

No saida mak ita dehan kona ba Ksolok labarik sira nian? Foin lalais nee hau hare labarik sira balun iha Afrika nebe mak presensa, sira hamoris duni espirtu moris nian maske iha kampo refujiado sira nakonu ho istoria barak mak tragikas nebe konsentra iha campo nee. Labarik sira nia enerjia transforma moris nebe naksobu (nakonu ho terus no susar) sai nudar jardin ida nebe nakonu ho esperansa. Karik sira hatene, sira ajuda ona ita barak tebes atu nafatin iha esperansa! Sira nia felicidade sai moris hanesan naroman loron matan nian.

Iha tinan 2018 nee nia laran, Ami mos hakarak hetan naroman ho exemplu hirak nebe ami halo, iha reflesaun kona ba ksolok, realidade ida husi realidade [tolu hamutuk](#) ho simplisidade no laran luak nebe irmaun Roger kuda iha ami nia fuan moris comunidade iha Taize.

Ho hau nia irmaun ida hau ba Juba no Rumbek iha Sudaun Súl depois ba Khartoum, capital Sudaun nian, atu komprende diak liu nasaun rua nee nia situasaun atu resa hamutuk ho sira (Mane no Fetu) nebe hetan sofrimento makaas iha tempu nee.

Ami visita igreja sira balun no hare sira nia servisu hanorin, solidaridade, tau matan ba ema moras sira no ba ema sira nebe ema la tau matan. Simu ami iha kampo ida ba ema hirak nebe abandonado. Iha fatin nee hela mos labarik sira nebe lakon inan aman tamba kausa husi evento tragicos sira.

Ba hau partikularmente impresionado tebes ho fetu sira iha neba. Ba inan nebe sei Joven/klosan, tenki simu sofrimento oi-oin nebe kausa husi violencia. Sira barak tenki husik sira nia uma/hela fatin tamba obriga tenki husik. Ho nunee, sira nafatin servisu makaas ba nesesidade moris nian. Sira nia korajen no sira nia esperansa excepcionais tebes. Visita nee halo ami besik liu tan ba refujiadu sira husi Sudaun nebe ami simu iha Taize tinan rua liu ba.

Antes nee, hamutuk ho irmaun nain rua seluk, hau hela iha Egiptu atu halo enkontru ho joven sira durante loron 5 iha comunidade Anafora, nebe harii iha tinan 1999 husi bispu igreja ortodoks koptik. Ami liu tempu hamutuk no resa, kuinese malu, no komprende tradisaun igreja sira iha Egiptu nebe riku tebes no istoriku. Joven sira hamutuk 100 pessoas mai husi Eropa, Amerika, Ethiopia, Libanon, Algeria, no Iraun: sira hetan benvindu hosi joven sira 100 pessoas husi igreja koptik husi Kairo, Alesandria no Egiptu Norte.

Specialmente ami nia atensaun ba iha eransa martir igreja koptik nian no nunee mos istoria monastiku ninian, nebe sai hanesan bolu ida nebe la iha rohan atu moris iha simplisidade. Bispo Tawardos II lider igreja Ortodox koptik nian, simu ami nain tolu ho haksolok .

Fila husi Afrika, ami dehan ba ami nia aan rasik katak: ema sira la fo liu atensaun ba ema sira seluk nia lia halerik nebe hetan sofrimentu ba moris ema sira nebe dook no mos sira nebe besik ita hotu. Sira nia

tanis halerek lakon no mamuk lerek leet deit. La too atu rona sira nia lia halerek husi média sira deit. Oinsa ita sente/ foti situasaun nee liu husi ita nia moris?

Proposta ba tinan 2018 tuir mai nee balun inspira ita husi perguntas sira iha leten.

**Brother Alois**

## PROPOSTA BA DAHULUK

### HAKLEAN LIU TAN WEE MATAN KSOLOK NIAN.

Nai dehan, hau hadomi imi ho domin ida rohan laek, no tan nee hau kontinua hatudu ba imi hau nia domin. (*Jeremias 31:3*)

Nai Maromak hela ho imi. Nai haksolok ho imi, Nai sei hafoun imi ho nia Domin; Nai sei hananu ho ksolok tamba imi. (*Zefania 3:17*).

Laran haksolok iha Nai nafatin; hau sei dehan nee dala ida tan; haksolok ba! (*Filipi 4:4*).

Tambasa, kada loron sabado kalan igreja iha Taize, haroman husi lilin kiik nia lakan iha sarani sira liman, iha festa ruma k? Nee tamba Kristu nia resureisaun/Moris hias hanesan roman iha fuan ba kristaun sira nia fiar. Nee misteriu ida wee matan ksolok nian nebe ita nia hanoin la too atu komprende didiak. Hemu husi wee matan nee, ita bele hatudu ksolok iha ita laran tamba ita hatene katak ikus mai “Resureisaun/moris hias mak resposta ba wee matan ksolok nian” ou “Resureisaun mak iha liafuan ikus” (*Oliver Clement, Teologia orthodox nian*).

Ksolok ida nebe laos sentimentu deit , laos mos ksolok individualista (kslok mesak deit) nebe hafahe ita ho ema seluk maibe garante hakmatek katak moris nee iha signifika/folin.

Ksolok evanjelo nian mai husi laran metin, fiar katak Maromak hadomi ita. Enkuantu “exitasaun excessiva” ou haksolok demais lori ita halai husi desafios nebe ita hasoru iha ita nia moris, maibe ksolok evanjelo nian halo ita sensitivu liu tan ou besik liu tan ba laran susar sira seluk.

- Mai ita deskobre ita nia ksolok liu-liu iha buat hotu mak certeza/kepastian katak ita pretense ba Maromak. Orasaun ida husi sasin Kristus nian husi seculo 15 bele apoia ita iha dalan nee : “Hau nia Nai no hau nia Maromak, hasai husi hau buat hotu mak hadook hau husi Ita. Hau nia Nai no hau nia Maromak, fo mai hau buat hotu mak lori hau besik liu tan ba Ita. Hau nia Nai no hau nia Maromak , hasai hau aan no fo mai hau buat hotu nebe lori hau ba Ita boot”. (*Santo Nicolas husi Flue, Suico*).
- Ita nia ksolok mak halo tuir wainhira ita resa hamutuk ho kanta sira. “Hananu ba Kristu too imi laran haksolok no sente hakmatek”. *Irmaun Roger husu*. Hananu hamutuk harii relasaun pessoal ho Maromak nunee mos komunian hamutuk ho sira nebe marka presensa. Espasu furak atu hodi resa , liturgia no kanta mak sinal resureisaun nian. Tuir fiar ema kristaun sira iha lorosa’e, “resa hamutuk bele hamoris ksolok lalehan nian iha rai”.
- Maromak nia domin ba ksolok umanidade nian nebe ita bele deskobre liu husi poesia, musika, tesouro artístico, Maromak nia kriaun furak sira, domin nebe profundu tebes, no iha relasaan amizade.

**RONA EMA VULNERAVEL SIRA NIA TANIS**

Rona hau nia harohan, Nai, rona hau nia bolu nebe too ba ita tilun. Labele subar ita oin mai hau iha tempu nebe hau laran susar. (*Salmo 102:2-3*)

Jesus, nakonu ho ksolok liu husi espiritu santo dehan, “ hau agradese ba ita, Aman, lalehan no rai nia Nai, basa buat hotu ita subar ba ema matenek maibe ita fo sai ba ema kiik sira. Loos, Aman, nee mak ita nia hakarak (*Lucas 10:21*)

Keta haluha atu hatudu ospitalidade ba ema seluk nebe o la kuinese, basa ho hahalok nee ita la persebera katak ita simu ona anju sira. Hanoin sira nebe iha prisaun, nudar o aan rasik hamutuk ho sira iha prisaun. No hanoin sira nebe ema fo terus , nudar o nia aan rasik terus dadaun hela, ( *Hebreu 13:2-3*).

Tambasa ema barak liu/passa iha provasaun barak- exkulsau, violensia, hamlaha, moras, desastre naturais- no entanto, sira nia lian dificilmente atu hetan audensia ou susar tebes atu rona sira nia lian?

Sira precisa suportasaun- fatin atu subar (abrigo), hahan, edukasaun, servisu, no medikus- maibe buat nebe importante liu ba sira mak amizade. Sente serve atu simu tulun, bele mos sente moe. Relasaun amizade mak bele halo fuan sente, fuan sente husi ema sira nebe precisa tulun no mos ba sira nebe mak hatudu sira nia solidaridade.

Rona ema sira nebe kanek ninia hakilar, hare ba sira nia matan, rona ou hakbesik ba sira nebe sofre, ferik katuas sira, ema nebe moras, prisoneiro/a, ema nebe hela fatin la iha, migrante.... Hasoru malu personal nee halo ita atu hatene dignidade ema seluk nian no halo ita atu simu buat ruma husi sira, tamba maske kiak liu mos sei iha buat ruma atu fo/offere.

Laos ema vulneravel sira mak fo kontribuisaun ida insubstituivel atu hari sosiedade ida mais fraterna? Sira hatudu ita nia vulnerabilidade rasik, no ho dalan nee ajuda sai umanu liu tan (lebih manusiawi).

- Ita labele haluha katak sai ema, Jesus Kristu sai ida deit ho ema hotu-hotu. Nia presente iha ema ida-idak, liu-liu ba sira nebe ema la tau matan ( *hare iha Mateus 25:40*). Wainhira ita hakbesik ba ema sira nebe kanek tan moris, ita besik ba Jesus, kiak iha ema kiak sira leet, sira lori ita ba intimidade ho Jesus. Keta tauk atu fahe ba malu iha susar/provasaun nia laran. Keta tauk ba susar/provasaun, tamba wainhira liu suasr nee hotu mak perfeisaun ksolok nian nebe fo ba ita iha komuniaun ho Jesus Kristu (*Regras Taize nian*).
- Liu husi kontaktu pessoal, ita buka dalan oinsa atu tulun ema kiak, la espera atu hetan fali buat ruma maibe ho atitude loke aan ba ema hotu atu simu buat hotu nebe sira hakarak fahe ho ita. Iha dalan nee ita husik ita nia fuan nakloke liu tan ba ema hotu-hotu.
- Ita nia mundo/rai mos vulneravel. Mundo nee kanek no kanek liu kedas husi mal-uso nebe ema halo. Ita precisa rona ba mundo nia hakilar . Ita precisa tau matan, ita tenki buka, nunee mos muda ita nia modo moris/hahalok moris nian, atu luta hasoru destruisaun nebe agora lao dadaun hela.

## PROPOSTA DATOLUK

### FAHE ESPERIENCIA/SOFRIMENTU NO KSOLOK

Haksolok ho sira nebe laran haksolok; tanis ho sira nebe tanis. (*Roma 12:15*)

Haksolok , ba sira nebe lutu, basa sira sei comforto/hakmatek. (*Metheus 5:4*)

Keta laran susar, basa ksolok maromak nian mak o nia forsa. (*Nehemias 8:10*)

Depois de Jenus nia resureisaun, Jesus iha kanek fatin pregu nian iha liman (*Joao 20:24-29*). Resureisaun kobre sofrimentu kruz nian. Ba ita hirak nebe tuir nai Jesus nian ain fatin, ksolok no sofrimentu moris hamutuk; Ksolok no Sofrimentu hamutuk mak sai kompaisaun.

Ksolok lolos la halo fraku solidaridade ho ema seluk; maibe ksolok hamoris liu tan solidaridade ho ema seluk. Nee dudu ita atu liu fronteiras atu hamutuk ho ema hirak nebe hetan difikulades. Nee matein nafatin moris iha ita nia perseveransa atu nafatin fiel hodi halao ita nia moris.

Iha sociedade balun, nebe kumprido ho; hahan, edukasaun, no estabelecimento nebe diak, dalaruma sira la sente ksolok, ema hirak nee dalaruma sente la iha forsa no lakon esperansa ba sira nia moris lorloron nian.

Dalaruma,paradoxalmente, hasoru malu ho ema nebe kiak bele hamoris liu tan ksolok, maske hanesan deit naroman kiik ida maibe nee mak hatudu ksolok lolos.

- Ita precisa hamoris nafatin ita nia desejo ksolok nian, nebe kuda hela iha ita. Maromak halo ema atu haksolok, laos atu triste. No ksolok laos rai ba ita nia aan rasik, maibe fahe ba ema seluk, atu nunee bele leno ba liur. Wainhira Maria simu lia menon husi anju, nia sai kedas ba liur atu visita nia prima Elisabeth no hananu ho nia. (*Lucas 1:39-56*).
- Hanesan Jesus, tanis tan nia belun Lazaru nia mate (*Joao 11:35*), mai ita, labele tauk atu tanis tan ba ema sira mak iha desafios. Ita bele lori sira mk sofre dadaun hela iha ita nia fuan. Ita entrega sira ba iha Maromak nia liman, ita labele husik sira ba sira nia fatalidade matan delek nian no destino impiedoso: it fo fiar sira ba Maromak nia kompaisaun, nebe hadomi ema ida-idak.
- Nafatin akompania sira nebe sofre no tanis hamutuk ho sira, bele fo ba ita korajen, iha atitude revolta nebe saudavel, atu denunsia injustisa, atu rejeita buat nebe ameasa ou destroi moris, ou atu koko transforma impasse ida.

## **PROPOSTA BA DAHAAT**

### **ENTRE KRISTAUN SIRA, HAKSOLOK IHA PRESENTE EMA SELUK NIAN.**

Maromak fo hatene ona ita Ninia Vontade misterio. Nee mak Nia plano tiha ona liu husi Kristu, tau iha pratika wainhira tempo too hodi kompleta: atu lori buat hotu iha lalehan, iha rai hamutuk ho ulun ida deit, Kristu. (*Efesus 1:9-10*)

Diak tebes no furak tebes, wainhira maun alin no inan feton sira hela hamutuk iha unidade! (*Salmo 133:1*)

Maromak haruka ona Kristu mai iha mundo atu halibur hamutuk sai ida universo hotu, kriasaun tomak, atu rekapitula buat hotu iha Nia. Maromak haruka ona Nia atu lori ema hotu hamutuk iha familia ida: mane no feto, labarik no katuas, ema husi background hotu-hotu, lingua no kultura, no nunee mos nasaun apostasira.

Ema barak mak hanoin (saudades) atu kristaun sai unido, hodi nunee sira labele ona subar, sira nia divisaun oi-oin, mensagem komunian universal nebe lori husi Kristu.

Labele ka, ita hamutuk nudar maun alin no inan feton sai hanesan sinal esperansa ba unidade no paz entre ita ema?

- Hanesan ema kristaun husi denimonasaun igreja nebe diferente, ita tenki iha korajen hodi hamutuk fali hakbesik ba Kristu no la hein atu iha akordu husi teologista sira, atu tau ita nia aan iha kakuluk nebe haneasan. Mai ita rona lian husi Monge Ortodoks coptic nebe hakerek: essencia liu iha fiar mak Kristu rasik, nebe la iha formulasaun bele hafahe (Circunscrever ou membatasi). Tan nee, precisa atu hahuu ita nia dialogo ho simu Kristu, Nia mak ida nebe ita tenki hahuu ho hela hamutuk essencia ida fiar nian, la hein atu iha acordo kona ba expressaun ba kontestu nee. Essencia fiar nian, nebe Kristu rasik mak harii iha domin, foo nia aan rasik. (*Father Matta el-Maskine, 1919 – 2006*)
- Atu ita direktamente tama iha prosesu nee, ita bele hahuu hatoo agradese ba Maromak ba presensa ema seluk nian. Durante nia visita ba Lund ( Swedia) iha okasaun aniversariu tinan 500 ba reformasaun, *Papa Francisco harohan*, "Espiritu Santo, haforsa ami atu komprende ho ksolok, presente hirak nebe mai iha igreja liu husi eventu reformasaun. Inspirasaun husi exemplu nee, mai ita sensivel liu tan atu kuinese iha ema seluk valor hirak nebe Maromak tau tiha ona iha sira no valor hira nebe la ita falta. Bele ka, ita koko atu simu sira nia diferenca hanesan rikusoin ba ita , maske diferenca hirak nee inklui aspektus sira nebe inicialmente bareira mai ita? Bele ka, ita buka fresku ksolok nian iha presente ema seluk nian?